



## **IDADE DE XUBILACIÓN**

# 3 IDADE DE XUBILACIÓN

## Idade ordinaria de xubilación

O acceso á pensión de xubilación na modalidade contributiva dependerá da idade da persoa e das cotizacións acumuladas ao longo da súa vida laboral.

No requisito da idade existe un incremento progresivo ata 2027 que esixirá ter 67 anos con carácter xeral e/ou 65 anos cando se acrediten 38 anos e 6 meses de cotización. A cotización mínima para acceder á xubilación é de 15 anos.

Para xubilarse no ano 2024 co 100% da pensión será preciso ter a seguinte idade e anos cotizados:

- 65 anos. Período de cotización xeral: 38 anos ou superior.
- 66 anos e 6 meses. Período de cotización xeral inferior a 38 anos.

## Cálculo de días cotizados para acceder á pensión de xubilación

Dende outubro de 2023, e aos efectos de cotización para pensións de xubilación, incapacidade permanente ou temporal, morte e supervivencia (viudedade e orfandade) e prestacións por nacemento e coidado do

menor, se contarán como días cotizados tanto os que se traballara a xornada completa como a xornada parcial independentemente das horas desta última. cotización.

## Xubilación anticipada de persoas con discapacidade

Regúlanse actualmente os dous supostos no Artigo 206.bis da LXSS.

Hai que ter en conta que está prevista unha reforma do marco regulador actual sobre a xubilación de persoas con discapacidade. (Disposición Adicional 4ª Lei 21/2021, de 29 de decembro).

### Suposto 1: Persoas traballadoras que acreditan grao de discapacidade igual ou superior ao 65%

A partir do 01-01-04 a idade ordinaria de xubilación pode ser reducida así como o cómputo a efectos de cotización.

#### REQUISITOS:

> Persoas traballadoras por conta allea incluídas no réxime xeral e réxime especial agrario; no réxime de persoas traballadoras do mar; persoas traballadoras da minería do carbón.

> Que realicen actividade retribuída e acrediten un grao igual ou superior de discapacidade do 65% durante a mesma.

> Período de cotización: período mínimo de traballo efectivo de polo menos 15 anos (5.475 días) e un período de cotización específico de 2 anos comprendidos dentro dos 15 anos inmediatamente anteriores ao momento de causar dereito ou á data en que cesou a obriga de cotizar, se accede á pensión de xubilación dende unha situación de alta ou asimilada, sen obriga de cotizar.

> Feito causante: depende da situación da que acceda á pensión (o día do cese na actividade laboral se a persoa está de alta na seguridade social; o día da presentación da solicitude nas situacións asimiladas a de alta agás excedencia forzosa ou traslado fóra do territorio nacional; no caso das situacións de non alta o día de presentación da solicitude).

#### EN QUE CONSISTE?:

Na redución da idade de xubilación para acceder á pensión de xubilación, que será dun período equivalente ao que resulte de aplicar ao tempo efectivamente traballado uns coeficientes, que varían segundo a discapacidade acreditada:

- Grao discapacidade igual ou superior ao 65%: Coeficiente 0,25%.
- Grao discapacidade igual ou superior ao 65% e acreditación necesidade de 3ª persoa: Coeficiente 0,50%.

#### **IDADE MÍNIMA DE ACCESO:**

A aplicación dos correspondentes coeficientes redutores da idade non pode dar lugar a que a persoa acceda á pensión de xubilación antes dos 52 anos de idade.

Esta limitación non afectará ás persoas traballadoras dos Réximes Especiais (minería do carbón e persoas traballadoras do mar) que en 01-01-08 tivesen recoñecidos coeficientes redutores da idade de xubilación, aos que se aplicará a normativa anterior.

#### **CONSIDERACIÓNS:**

Dende o 1 de xaneiro de 2008, os coeficientes redutores non se terán en conta:

- A efectos de acreditar a idade esixida para acceder á xubilación parcial (agás que, por dereito transitorio, se aplique a lexislación anterior ao 01/01/08), á xubilación anticipada coa condición de mutualista e a calquera outra modalidade de xubilación anticipada.
- Nin tampouco para xerar a porcentaxe adicional establecida para quen se xubila con máis de 65 anos.

#### **CÁLCULO DA PENSIÓN**

O período de tempo en que resulte reducida a idade de xubilación da persoa traballadora computarase como cotizado ao exclusivo efecto de determinar a porcentaxe aplicable para calcular o importe da pensión de xubilación.

#### **EFFECTOS DOS COEFICIENTES NA XUBILACIÓN NOUTROS RÉXIMES**

Tanto a redución da idade como o cómputo, a efectos de cotización do tempo no que resulte reducida aquela, serán de aplicación aínda que a pensión se cause en calquera outro réxime da Seguridade Social.

#### **ACCESO Á XUBILACIÓN ANTICIPADA MUTUALISTAS**

- As persoas traballadoras cunha discapacidade nun grao igual ou superior ao 65% que, por teren a condición de mutualista en calquera mutualidade de persoas traballadoras por conta allea no día 1/1/1967 ou noutra data anterior, teñan dereito, de acordo co establecido na disposición transitoria terceira.1.2ª do texto refundido da LXSS, a causar a pensión de xubilación a partir dos 60 anos, seranlles de aplicación os coeficientes establecidos do 0,25 ao 0,50, aos efectos de determinar o coeficiente redutor dacontía da pensión de xubilación que corresponda en cada caso, e terase en conta,

a todos os demais efectos, a idade real da persoa traballadora.

- As referencias contidas a 1 de xaneiro de 1967 entenderanse realizadas á data que se determine nas súas respectivas reguladoras, respecto dos réximes ou colectivos que contemplan outra data distinta, en orde da posibilidade de anticipar a idade de xubilación.

- Igual regra será de aplicación ás persoas traballadoras cunha discapacidade nun grao igual ou superior ao 65% que desexen xubilarse anticipadamente, de acordo co previsto no art. 206 da LXSS (por razón da actividade).

#### **Suposto 2: Persoas traballadoras que acreditan grao de discapacidade igual ou superior ao 45%**

Poderá reducirse a idade ordinaria, no caso de persoas traballadoras cun grao de discapacidade igual ou superior ao 45%, sempre que se trate de discapacidades incluídas no anexo do Real Decreto 1851/2009, nas que concorran evidencias que determinen de forma xeralizada e apreciable unha redución da esperanza de vida desas persoas.

O período de tempo en que resulte reducida a idade de xubilación, computarase como cotizado ao exclusivo efecto de determinar a porcentaxe aplicable á correspondente base reguladora para calcular o importe da pensión de xubilación.

## **DEREITO DE OPCIÓN**

As persoas con discapacidade que reúnan as condicións para acceder a este suposto ou ao anterior suposto de anticipación da idade de xubilación, poderán optar pola aplicación do que lles resulte máis favorable.

### **REQUISITOS:**

> Persoas traballadoras por conta allea ou persoas traballadoras por conta propia incluídas en calquera dos réximes da Seguridade Social.

> Dadas de alta ou situación asimilada á alta na data do feito causante.

> Ter cotizados 15 anos durante os cales se padecera a patoloxía que da orixe á discapacidade do anexo.

> Que dentro de ese período, e ó menos durante cinco anos se cotizara con un grao de discapacidade igual ou superior ó 45%.

### **IDADE MÍNIMA DE ACCESO:**

56 anos.

### **DISCAPACIDADES QUE PERMITEN O ACCESO A ESTA REDUCIÓN:**

As discapacidade nas que concorren evidencias que determinan de forma xeralizada e apreciable unha redución da esperanza de vida e que poderán dar lugar á anticipación da idade de xubilación, son as que se recollen no ANEXO do Real decreto 1851/2009, que a data de hoxe son:

- **Discapacidade intelectual** (antes retraso mental).
- **Parálise cerebral.**
- **Anomalías xenéticas** (Síndrome Down, Síndrome Prader Willi, Síndrome X Fráxil, Osteoxénese Imperfecta, Acondroplasia, Fibrose Quística, Enfermidade de Wilson).
- **Trastornos do Espectro Autista.**
- **Anomalías conxénitas secundarias á Talidomida.**
- 
- **Secuelas de Polio ou síndrome postpolio.**

- **Dano cerebral adquirido (traumatismo cráneo encefálico, secuelas de tumores do SNC, infeccións ou intoxicacións);**
- **Enfermidade mental (esquizofrenia, trastorno bipolar);**
- **Enfermidade neurolóxica**, Esclerose Lateral Amiotrófica, Esclerose Múltiple, Leucodistrofias, Síndrome de Tourette e Lesión medular traumática.

### **CÓMPUTO DO TEMPO TRABALLADO**

A efectos da aplicación deste suposto, descontaranse todas as ausencias ao traballo, agás as seguintes:

- As que teñan por motivo a baixa médica por enfermidade común ou profesional ou accidente, sexa ou non de traballo.
- As que teñan por motivo a suspensión do contrato de traballo por maternidade, paternidade, adopción, acollemento, risco durante o embarazo ou risco durante a lactación natural.
- As ausencias do traballo con dereito a retribución.

## **CÁLCULO DA PENSIÓN:**

O período de tempo en que resulte reducida a idade de xubilación do/a traballador/a como cotizado ao exclusivo efecto de determinar a porcentaxe aplicable á correspondente base reguladora para calcular o importe da pensión de xubilación.

## **NORMATIVA DE REFERENCIA.**

- Real Decreto Lexislativo 8/2015, do 30 de outubro, polo que se aproba o texto refundido da Lei Xeral da Seguridade Social.
- Real Decreto 1851/2009, do 4 de decembro, polo que se desenvolve o texto refundido da Lei Xeral da Seguridade Social, aprobado polo Real Decreto Lexislativo 8/2015, do 30 de outubro, en canto á anticipación da xubilación das persoas traballadoras con discapacidade en grao igual ou superior ao 45 por cento
- Real Decreto 370/2023, do 16 de maio, polo que se modifica o Real Decreto 1851/2009, do 4 de decembro, polo que se desenvolve o artigo 161.bis da Lei Xeral da Seguridade Social en canto á anticipación da xubilación dos traballadores con discapacidade en grao igual ou superior ao 45 por cento

- Real Decreto-ley 2/2023, de 16 de marzo, de medidas urgentes para la ampliación de derechos de los pensionistas, la reducción de la brecha de género y el establecimiento de un nuevo marco de sostenibilidad del sistema público de pensiones.

## **ORGANISMO DE REFERENCIA:**

INSTITUTO NACIONAL DA SEGURIDADE SOCIAL

Enlace: <https://www.seg-social.es/wps/portal/wss/internet/Trabajadores/PrestacionesPensionesTrabajadores/10963/28393/1712>